

# Nalog Supervizora u vezi sa tržnicom Arizona

## NALOG SUPERVIZORA U VEZI SA TRŽNICOM ARIZONA

**U skladu sa** stavom 37 Konačne odluke za Brčko od 5. marta 1999. godine, stavom 8 (A) Aneksa od 18. avgusta 1999. godine;

**nakon** izražene namjere OHR-a, OSCE-a, UN-a i SFOR-a da regulišu trgovačke djelatnosti na tržnici Arizona do juna 2001. godine, uz pomoć vlasti entiteta i Brčko Distrikta;

**priznajući** značajnu trgovinsku aktivnost koju tržnica Arizona predstavlja za Brčko Distrikt i cijelu sjeveroistočnu regiju Bosne i Hercegovine;

**sa ciljem** da se ova aktivnost u potpunosti dovede u sklad sa zakonom, u korist svih građana,

izdajem sledeći Nalog:

1. Sve izdate dozvole za rad na tržnici Arizona od strane bivših opštinskih, kantonalnih ili entitetskih administracija koje su postojale u Brčko Distriktu biće predmet provjere pravovaganosti i ponovnog izdavanja od strane Vlade Brčko Distrikta.

2. Sva pravna i fizička lica koja trenutno obavljaju neku poslovnu djelatnost na tržnici Arizona bez dozvole za rad, moraće se obratiti Vladi Brčko Distrikta za izdavanje dozvole u roku od 30 dana od dana objave ovog Naloga ili će im se, u skladu sa važećim zakonima, onemogućiti djelovanje.

3. Poslovne djelatnosti na tržnici Arizona će se obavljati isključivo između 06:00 i 18:00 časova. Nikakva poslovna djelatnost neće se obavljati na tržnici Arizona van navedenog radnog vremena osim ukoliko ja to izričito ne

odobrim. Svako nepoštovanje radnog vremena biće predmet sankcionisanja, uključujući konfiskaciju poslovnog prostora i opreme.

4. Gradonačelnik Brčko Distrikta će osnovati operative snage iz sastava Vlade Brčko Distrikta i policije, koje će koordinirati implementaciju ovog Naloga i izraditi sveobuhvatan plan za regulisanje trgovine i izmještanje tržnice Arizona, koji će biti predmet mog konačnog odobrenja.

Ovaj Nalog će biti objavljen u Službenom glasniku Brčko Distrikta.

Geri Metjuz  
Zamjenik visokog predstavnika  
Supervizor za Brčko

**Office of the High Representative**